



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՍՅՈՒՆԻՔԻ ՄԱՐԶԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ ԱԾԽԱՏԱԿԱԶՄ**

ք.Միսիսի Գ. Նժդեհի 6

Հեռ. 2-32-20

Թիվ ԴԴ 31-2259

04.10.2013թ.

ՀՀ Սյունիքի մարզպետարանին
ք. Կապան Նժդեհի 1

Կից ուղարկվում է Սյունիքի մարզի ընդհանուր իրավասության դատարանի 04.10.2013 թվականի թիվ ՍԴ1/0119/02/13 քաղաքացիական գործով վճռի օրինակը:
Առդիր վճիռը 3 թերթ :

Դատավորի օգնական

Յ. Հովհաննիսյան

7 10 6664
3



Վ Ն Ի Ռ

ՀԱՆՈՒՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

04.10.2013թ.

ք Սիսիան

Հայաստանի Հանրապետության Սյունիքի մարզի ընդհանուր իրավասության դատարանը

նախագահությամբ՝	դատավոր	Իզմատ Բեգլարյան
քարտուղարությամբ՝		Կարինե Նիկոլյան
մասնակցությամբ՝ հայցվորի ներկայացուցիչ		Հայկ Կարապետյան
հայցվորի կողմում հանդես եկող երրորդ անձ		
Սյունիքի մարզպետարանի ներկայացուցիչ		Համլետ Չաքարյան

Դռնբաց դատական նիստում, քննելով քաղաքացիական գործն ըստ հայցի Սյունիքի մարզի դատախազության (գրանցման վկայական 002347, ՀՎՀՀ 02506634, հասցեն քաղաք Կապան Մ.Ստեփանյան 2) ընդդեմ Լալա Գենրիկի Սազարյանի հայցվորի կողմում հանդես եկող երրորդ անձ ՀՀ Սյունիքի մարզպետարանի գումարի բռնագանձման պահանջի մասին

Պ Ա Ր Ձ Ե Ց

Գործի դատավարական նախապատմությունը

20.09.2011 թվականին ՀՀ Սյունիքի մարզպետի և Լալա Գենրիկի Սազարյանի միջև կնքվել է փոխառության պայմանագիր համաձայն որի փոխատուին փոխառուին է հանձնել հաստատված տեխնիկական բնութագրով նախատեսված որակի աշնանացան ցորենի առաջին վերարտադրության 1500 կգ սերմ, իսկ փոխառուն պարտավորվել է մինչև 01.12.2012 թվականը հետ վերադարձնել 240000 ՀՀ դրամ:

25.07.2013 թվականին Սյունիքի մարզի դատախազությունը հայց է ներկայացրել Սյունիքի մարզի ընդհանուր իրավասության դատարան ընդդեմ Լալա Գենրիկի Սազարյանի հայցվորի կողմում հանդես եկող երրորդ անձ ՀՀ Սյունիքի մարզպետարանի գումարի բռնագանձման պահանջի մասին:

25.07.2013 թվականին հայցադիմումն ընդունվել է վարույթ:

Ներկայացվել է միջնորդություն հայցի ապահովման միջոց կիրառելու մասին:

25.07.2013 թվականին Սյունիքի մարզի ընդհանուր իրավասության դատարանը մերժել է հայցի ապահովման միջոց կիրառելու մասին միջնորդությունը:

Հայցադիմումին պատասխան և առարկություն պատասխանողի կողմից չի ներկայացվել:

Հայցվորի ներկայացուցչի ռիսքորոշումը

Հայցվոր Սյունիքի մարզի դատախազության ներկայացուցիչ Հայկ Կարապետյանը պնդեց պահանջը և նշեց, որ «Հայաստանի Հանրապետությունում 2010-2014 թվականների ցորենի սերմնարուծության և սերմարտադրության զարգացման ծրագիրը հաստատելու և սերմերի ներմուծումը թույլատրելու մասին» Հայաստանի Հանրապետության կառավարության 29.07.2010 թվականի թիվ 971-Ն որոշման շրջանակներում, համաձայն Հայաստանի Հանրապետության կառավարության 31.03.2011 թվականի «Հայաստանի Հանրապետությունում 2011 թվականի աշնանացան ցորենի սերմարտադրության զարգացման ծրագիրը հաստատելու և սերմերի ներմուծումը թույլատրելու մասին» N 330-Ն և 17.02.2011 թվականի «Հայաստանի Հանրապետությունում 2011 թվականի աշնանացան ցորենի սերմարտադրության զարգացման ծրագիրը հաստատելու և սերմերի ներմուծումը թույլատրելու մասին» N 279-Ն որոշումների 20.09.2011 թվականին ՀՀ Սյունիքի մարզպետի և Սյունիքի մարզի Աշոտավան գյուղի բնակիչ Լալա Գենրիկի Սազարյանի միջև կնքվել է փոխառության պայմանագիր, համաձայն որի փոխատուին փոխառուին է հանձնել պայմանագրի N1 հավելվածով հաստատված տեխնիկական բնութագրով նախատեսված որակի աշնանացան ցորենի առաջին վերարտադրության 1500 կգ սերմ, իսկ փոխառուն պարտավորվել է մինչև 01.12.2012 թվականը հետ վերադարձնել 240000 ՀՀ դրամ՝

համաձայն N 2 հավելվածի: 12.04.2013 թվականին Սյունիքի մարզպետը թիվ 01/2899-13 գրությամբ դիմել է Սյունիքի մարզի դատախազություն և խնդրել է, որ դատախազությունն իր լիազորությունների շրջանակներում միջոցներ ձեռնարկի փոխառության պայմանագրով գյուղացիական տնտեսություններին բաշխված սերմացուի դիմաց չվճարված գումարների գանձումն ապահովելու համար: Նշված հանգամանքները հաշվի առնելով խնդրում է Լալա Գեներիկի Մագարյանից հոգուտ պետական բյուջեի բռնագանձել 240000 ՀՀ դրամ պարտք գումարը:

Պատասխանողի դիրքորոշումը

Պատասխանող Լալա Գեներիկի Մագարյանը դատական նիստին չի ներկայացել:

Հայցվորի կողմում հանդես եկող երրորդ անձի դիրքորոշումը

Հայցվորի կողմում հանդես եկող երրորդ անձ ՀՀ Սյունիքի մարզպետարանի ներկայացուցիչ Համլետ Զաքարյանը նշեց, որ 20.09.2011 թվականին ՀՀ Սյունիքի մարզպետի և Սյունիքի մարզի Աշտարակ գյուղի բնակիչ Լալա Գեներիկի Մագարյանի միջև կնքվել է փոխառության պայմանագիր, համաձայն որի փոխատուն փոխառուին է հանձնել պայմանագրի N1 հավելվածով հաստատված տեխնիկական բնութագրով նախատեսված որակի աշնանացան ցորենի առաջին վերարտադրության 1500 կգ սերմ, իսկ փոխառուն պարտավորվել է մինչև 01.12.2012 թվականը հետ վերադարձնել 240000 ՀՀ դրամ՝ համաձայն N 2 հավելվածի: 12.04.2013 թվականին Սյունիքի մարզպետը թիվ 01/2899-13 գրությամբ դիմել է Սյունիքի մարզի դատախազություն և խնդրել է, որ դատախազությունն իր լիազորությունների շրջանակներում միջոցներ ձեռնարկի փոխառության պայմանագրով գյուղացիական տնտեսություններին բաշխված սերմացուի դիմաց չվճարված գումարների գանձումն ապահովելու համար: Նշված ժամանակահատվածում պատասխանողը վճարումներ չի կատարել:

II

Գործի լուծման համար էական նշանակություն ունեցող փաստերը

Հետազոտելով ներկայացված փաստաթղթերը, դատարանը գտնում է, որ սույն գործի լուծման համար էական նշանակություն ունեն հետևյալ փաստերը.

1) Լալա Գեներիկի Մագարյանը ստացել է 1500 կգ աշնանացան ցորենի առաջին վերարտադրության սերմ՝ 240000 ՀՀ դրամ արժեքով, որը պետք է վերադարձնել 01.12.2012 թվականին:

2) Լալա Գեներիկի Մագարյանը խախտել է փոխառության պայմանագրով ստանձնած պարտավորություններն և նրա պարտքը կազմել է 240000 ՀՀ դրամ:

III

Դատարանի իրավական վերլուծությունները

ՀՀ քաղաքացիական օրենսգրքի 877-րդ հոդվածի 1-ին մասի համաձայն փոխառության պայմանագրով մեկ կողմը (փոխատուն) մյուս կողմի (փոխառուի) սեփականությանն է հանձնում դրամ կամ տեսակային հատկանիշով որոշվող այլ գույք, իսկ փոխառուն պարտավորվում է փոխառուին վերադարձնել միևնույն գումարի դրամ (փոխառության գումարը) կամ փոխառուից ստացված գույքին հավասար քանակի և նույն տեսակի ու որակի գույք:

ՀՀ քաղաքացիական օրենսգրքի 878-րդ հոդվածի 1-ին մասի համաձայն փոխառության պայմանագիրը կնքվում է գրավոր:

ՀՀ քաղաքացիական օրենսգրքի 880-րդ հոդվածի 1-ին մասի համաձայն փոխառուն պարտավոր է, փոխառության պայմանագրով նախատեսված ժամկետում և կարգով, փոխառուին վերադարձնել ստացված փոխառության գումարը: Այն դեպքում, երբ վերադարձնելու ժամկետը պայմանագրով որոշված չէ կամ որոշված է ցպահանջ, փոխառության գումարը փոխառուն պետք է վերադարձնի այդ մասին փոխառուի պահանջը ներկայացնելու օրվանից երեսնօրյա ժամկետում, եթե այլ բան նախատեսված չէ պայմանագրով:

ՀՀ քաղաքացիական օրենսգրքի 345-րդ հոդվածի 1-ին մասի համաձայն պարտավորության ուժով մի անձը (պարտավանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապահից պահանջել կատարելու իր պարտականությունները:

ՀՀ քաղաքացիական օրենսգրքի 347-րդ հոդվածի համաձայն պարտավորությունները պետք է կատարվեն պատշաճ, պարտավորության պայմաններին, օրենքին և այլ իրավական ակտերի պահանջներին համապատասխան, իսկ նման պայմանների ու պահանջների բացակայության դեպքում՝ գործարար շրջանառության սովորույթներին կամ սովորաբար ներկայացվող այլ պահանջներին համապատասխան:

ՀՀ քաղաքացիական օրենսգրքի 408-րդ հոդվածի համաձայն պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բավանդակությամբ որոշվող այլ պայմանների խախտմամբ) կատարելը:

ՀՀ դատախազության մասին օրենքի 4-րդ հոդվածի 1-ին մասի 4-րդ կետի համաձայն դատախազությունն օրենքով նախատեսված դեպքերում և կարգով պետական շահերի պաշտպանության հայց է հարուցում դատարան:

ՀՀ դատախազության մասին օրենքի 27-րդ հոդվածի 2-րդ մասի 3-րդ կետի համաձայն դատախազը պետական շահերի պաշտպանության հայց է հարուցում նաև, եթե դատախազին հայց հարուցելու միջնորդությամբ դիմել է իրավասու պետական մարմինը:

ՀՀ քաղաքացիական դատավարության օրենսգրքի 118-րդ հոդվածի 2-րդ մասի համաձայն դատական նիստի ժամանակի և վայրի մասին պատշաճ ձևով տեղեկացված պատասխանողի կամ հայցվորի չներկայանալն արգելք չէ գործի քննության համար:

Ուսումնասիրելով գործի լուծման համար էական նշանակություն ունեցող փաստերը ու վերլուծելով գործով ներկայացված ապացույցները դատարանը գտնում է, որ գործի համար էական նշանակություն ունեցող փաստերը հաստատված են հետևյալ ապացույցներով՝

Դատարանը Լալա Գեներիկի Մագարյանի կողմից 1500 կգ աշնանացան ցորենի առաջին վերարտադրության սերմ 240000 ՀՀ դրամ արժեքով ստանալու և գումարը 01.12.2012 թվականին վերադարձնելու փաստերը հաստատված է համարում 20.09.2011 թվականի ՀՀ Սյունիքի մարզպետի և Լալա Գեներիկի Մագարյանի միջև կնքված փոխառության պայմանագրով:

Լալա Գեներիկի Մագարյանի կողմից փոխառության պայմանագրով ստանձնած պարտավորությունները խախտելու և նրա պարտքը 240000 ՀՀ դրամ կազմելու փաստերը հաստատված է համարում ՀՀ Սյունիքի մարզպետարանի աշխատակազմի գյուղատնտեսության և բնապահպանության վարչության պետի 31.05.2013 թվականին տրված տեղեկանքով:

Վերլուծելով և գնահատելով հետազոտված վերը նշված ապացույցները և յուրաքանչյուր ապացույց գնահատելով գործում եղած բոլոր ապացույցների բազմակողմանի, լրիվ և օբյեկտիվ հետազոտությունների վրա հիմնված, դատարանը հանգում է այն հետևության, որ Սյունիքի մարզի դատախազության հայցապահանջը հիմնավորված է ու ենթակա է բավարարման՝ Լալա Գեներիկի Մագարյանից հոգուտ պետական բյուջեի պետք է բռնագանձել 240000 ՀՀ դրամ պարտք գումարը:

ՀՀ քաղաքացիական դատավարության օրենսգրքի 68-րդ և 73-րդ հոդվածների համաձայն Լալա Գեներիկի Մագարյանից հոգուտ պետական բյուջեի պետք է բռնագանձել 4800 ՀՀ դրամ (240000x0,02) որպես չվճարված պետական տուրք:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 130-132-րդ հոդվածներով, դատարանը

Վ Ո Ւ Ե Ց

Հայցը բավարարել:

Լալա Գեներիկի Մագարյանից հոգուտ պետական բյուջեի բռնագանձել 244800 ՀՀ դրամ, որից 240000 ՀՀ դրամը պարտք գումարն է, իսկ 4800 ՀՀ դրամը չվճարված պետական տուրքն է:

Վճիռը կարող է բողոքարկվել ՀՀ վերաքննիչ քաղաքացիական դատարանին մեկամսյա ժամկետում:

Վճիռը կամովին չկատարելու դեպքում, այն կկատարվի դատական ակտերի հարկադիր կատարման ծառայության միջոցով՝ պարտապանի հաշվին:

Դատավոր

Ի. Բեգլարյան